

6

CLEMENTIS XII.

LAUDES

Illustrissimo, ac Excellentissimo Domino

D. NEREO CORSINO

P. O. M. NEPOTI CLARISSIMO &c.

EXHIBITÆ

Aⁿ

PETRO JOSEPHO BONAMICO.



ROMÆ, MDCCXXX.

Typis Antonii de Rubeis, è foro Rotundæ, in via
ad Seminarium Romanum.

SUPERIORVM PERMISSV.

THE HISTORY OF THE CITY OF BOSTON

The history of the city of Boston is a subject of great interest and importance. It is a city of many centuries, and its history is full of interesting events. The city was founded in 1630, and has since that time been a center of commerce and industry. It has been the site of many important events, and has played a significant role in the history of the United States. The city is known for its many historic landmarks, and its beautiful harbor. It is a city of many traditions, and its people are proud of their heritage. The history of the city is a story of growth and progress, and it is a story that is still being written today.

(III)

Illustrissimo, ac Excellentissimo Domino
D. NEREO CORSINO.

PETRUS. JOSEPHUS BONAMICUS
FÆLICITATEM.



*Iraberis fortasse, EXCEL-
LENTISSIME DOMINE, au-
daciam plusquam juvenilem; me scilicet nul-
lius notæ hominem non opportuna hujus Ora-
tionis sedulitate tui Nominis dignitatem
provocare. Sed quærenti mihi, multumque,
& diu cogitanti quam re possem animi
tui gratiam, ac favorem mihi conciliare,
nulla potior occurrebat, quàm si PATRUI
TUI SANCTISSIMI laudes tibi consecrarem,*
A 2 *inter*

(IV)

inter quas tuas vel invitus agnosceres. Ridebis rudem inculti, horridique sermonis rusticitatem, vitreas, fractasque sententias, verum argumenti magnitudo nobilitabit verborum infantiam, dictorumque humilitatem, tuamque alliciet benignitatem, quæ etiam animum dedit, ut ultro ipse accederem. Neque temerè videar egisse, si, licet LAUDATISSIMI PRINCIPIS res præclare gestas complecti orando me posse diffiderem; illas tamen voluerim attingere; Nam in magnis, ut ait latinus Callimachus, voluisse sat est. Præterea, si hi tantum, qui tantæ rei dicendo respondere possint, GLORIOSISSIMI PONTIFICIS rectè facta laudabunt, nemo profectò reperietur; quanquam Cicero, Demosthenesque, alter Romanæ, Græcæ alter eloquentiæ Princeps, existant. DUODECIMI enim CLEMENTIS est, nullius facundia posse satis laudari. Restat igitur, EXCELENTISSIME DOMINE, ut te orem obtesterque, ut velis humaniter me suscipere, & munusculum, quod offero majora daturus, Cum fluet ante tuos Purpura sacra pedes.

ORA.

(V)

ORATIO.



SI quantum in Te , B. P., & virtutis est & dignitatis, tantum in me eloquentiæ, ac facultatis in dicendo esset, sperarem profectò, & confiderem fore, ut singularia tua eximiaque facinora, si non exæquarem oratione, quod utique fieri non potest, at fortasse propriùs accederem. Nunc autem cum & Tu non modo eorum, qui nunc sunt, sed etiam veterum, qui ante Te claruerunt, famam gloriæ magnitudine, & rerum præclare gestarum copia, non solum æquaveris, verum etiam, si fas est dicere, superaveris, idque effeceris, ut nulla Tuis par meritis laus inveniri possit : & ego neque usu, qui sim adolescens, neque ingenio, qui rudis, neque facundia, qui indoctus, valeam, quo tandem animo hanc tam arduam tamque difficilem provinciam me ultro suscepisse existimas SANCTISSIME PONTIFEX ? Nam si delatum ad me munus non recusassem, ab eo sanè excusationem meam repetere potuissem, quod alienæ voluntati non obtemperare rem minimè ingenuo adolescenti dignam fuerim arbitratus. Verùm cum volens libensque hunc laborem, hanc difficultatem assumpserim, atque in tanta tuarum rerum varietate, verfer, quid sim acturus, nescio. Etenim si quid as-

(VI)

feram, quod non sit omni ex parte ingenio perfectum, industriaque elaboratum, erunt, qui me inani quadam ineptaque gloriola, nulla mearum virium habita ratione, ductum esse dicent. Sed, utcumque sit, juvat, PRINCEPS OPTIME, primos hocce crescentis eloquentiæ fructus tibi offerre, qui si neque maturitate, neque suavitate commendantur, hoc ipso, quod primi sunt, gratiores tibi esse debent; juvat in eam primùm causa ingenii mei, quantum quantum est, periculum facere, quam, si rectè præclarèque egero multùm inde in me honoris atque existimationis derivabitur, sin secus, id non meæ imbecillitati, quantum & imbecillitati meæ, sed tuarum virtutum magnitudini tribuendum omnes putabunt. Quæ enim tanta potest existere facundiæ ubertas ac vis, quæ hujus Summi Pontificis laudes complecti orando se posse speret? Qui nobilissima in Civitate, præclarissima è Gente ortus Patrum suorum claritatem proprio lumine auxerit, & maximum sibi à majoribus suis relictum gloriæ patrimonium non servaverit solum, sed etiam dignitate, quæ summa est, & qua nulla unquam major inter homines extitit, amplificaverit: Qui Romæ idest præ universi Orbis oculis ita honestè integrèque vixerit, ut ab omnibus omnium ordinum hominibus sui amorem, atque admirationem expresserit: Qui honoribus ita usus fuerit, ut dignus illis videretur: Qui denique hanc celsissimam hujus Imperii sedem, incredibili omnium Cardinalium consensu, incredibili totius Christianæ Reipublicæ lætitia ascenderit meritiſſimè, quique in ipso regnandi exordio tot tantaque dede-

(VII)

dederit liberalitatis, justitiæ, ac gravitatis signa, ut maxima omnia omnes de illo sperent, ac jam sibi ipsi polliceantur.

Quod si ad perfectam, cumulatamque tui nominis celebrationem, & urbis, in qua natus es, nobilitatem, & generis spectare autumamus, volumusque Fortunæ bonis egregias animi Tui dotes æstimare, utraque certè in Te mirificè elucet. Nam Florentina Civitas rotius Hetruriæ humen, atque ornamentum, potentissima quondam Respublica, nunc verò sapientissimis Principibus foelicio-ribus administrata auspiciis, spectatissimis domi, forisque Civibus aucta gloriosissima Tibi præbuit incunabula. Illa Cœli amœnitate, illa ædium pulchritudine, illa Templorum, Delubrorumque splendore celebratur. Illa scientias omnes à Mediceis Heroibus revocatas, ac restitutas, ita excoluit, ut à Posteris omnibus tanquam humaniorum artium al- trix, ac Magistra semper ferenda sit, ac prædicanda. Illa huic ipsi Romano Imperio quinque optimos laudatissimosque Pontifices, Leonem videlicet Decimum, Clementem Septimum, iterum Leonem, iterum Clementem, postremò Te misit, quem præsentem colimus, atque intuemur; in quo non utriusque Clementis constantiam, ac religionem, non Leonis Decimi munificentiam, ac liberalitatem, regiumque animum desideramus; Imò tu unus, quas de altero Leone Undecimo, quem universi Orbis foelicitati Fortuna invidit, P. R. spes suscepit amplissimas, ad exitum benè, feliciterque perduces. Agè verò quibus verbis ornari potest **CORSINA GENS** tot fascibus, sacrif-

(VIII)

que Infulis ornata, Toga, Sagoque illustis? Ex qua; tanquam *ex Equo Trojano* Græcorum Principes, tot præstantissimi Senatores, quorum est copia digna hujus gentis gloria, tot equites nobilissimi, tot sapientissimi Præsules, tot prudentissimi Oratores, tot denique invictissimi Imperatores prodierunt? Hæc insignes Vaticano Proceres: Hæc Cælo etiam Divos dedit consilio, ac pietate clarissimos. Itaque donec religioni honos habebitur, donec rei militaris, donec prudentiæ studium florebit, florebit quoque *CORSINORUM* nomen & fama. Sed quid ego plura de Tui Generis nobilitate? quasi ab his rebus viri sapientes laudis præsidia sibi quærant, atque ornamenta. Quamquam multum, ad arduam virtutis viam acrius insistendam, conferat Proavorum rebus gestis quasi admoneri. Insidet enim in nobili quoque præclara quædam ambitio, qua ad optima quæque concitatur, siquidem turpe existimat indignum se suis majoribus videri, ad nominis autem prædicationem accomodatius ad eorum imitationem suam vitam, ut ita dicam, formare. Hinc Themistoclem illum conservatorem Græciæ Milciadis Triumphis excitatum accepimus. Tu quoque B. P. Patrum tuorum fama concitatus, atque admonitus non quid ab illis accepisses, sed quid illis deberes reputasti, ut bona, quæ in Te erant à nobilitate inchoata, virtute perficeres.

Itaque studiis illis, quibus Pueri, & nobilissimi Pueri ætas informari solet citius expectatione omnium, pro Tui ingenii celeritate instructus, cum Patriæ mœnibus quasi nimium angusto, atque exiguo spatio circum-

(IX)

cumscribi indignaretur animi Tui magnitudo, hanc tecum Romæ pœnè Puer attulisti.

Eo jam inde ab initio nata fato Roma est, ut quod ubique terrarum egregii exortum esset una susciperet. In hanc enim tanquam in communem quandam nationum omnium, ac totius terrarum Orbis Patriam, qui insignioribus artibus valent, confluunt; vel quia adhuc in eorum mentibus ita residet veteris illius Romanæ majestatis memoria, & veneratio, ut Viri doctrina, atque industria præstantes præclare secum agere arbitrentur, si eam Urbem incolant, in qua fuit terrarum Imperium, & quam Scipiones, Maximi, Tullii, Cæsares, suis, propè dicam, vestigiis consecrarunt; vel quia hic est ad Honorem via expeditior, hic longè ampliora virtuti præmia ostenduntur. Quorsum ista? ut omnes intelligant, quam difficile sit, in tanta celeberrimorum hominum ex omnibus Nationibus, Regnis, ac Provinciis confluentium multitudine unum excellere. Tu inventus es B. P. qui unus cæteris omnibus antecelleres adolescens. Quod etiam difficilius est, atque adedò gloriosius. Nam ætas illa facilè in vitium flectitur, facilè voluptatibus impellitur, & blandimentis illis, quæ natura ei videtur concessisse liberius à recta rationis semita facile avocatur. Quantæ igitur virtutis est Adolescentem Romæ ita vixisse, ut à Doctis, & majoribus natu diligeretur, coleretur ab æqualibus, ab omnibus suspiceretur? Quæ omnia quis adedò miretur, ut mirari tùm demùm non desinat, cum tantam in Te esse in scientiis omnibus peritiam, tantam in moribus suavitatem,

tantam in vultu comitatem intelligat, atque intueatur; ut non dicam ab amicis, verum ab invidis ipsis amorem, ac benevolentiam exprimeres: Ut mihi hæc cogitanti P. B. divinis quibusdam bonis instructus, atque ornatus videare. Itaque, cum Civitas hæc sit acerrima factorum inspectrix, ut nulla suos oculos vel errati labecula prætereat, in Te ne suspicionem quidem animadvertere potuit. O Adolescentiam præclaram, & quam omnes nobiles Adolescentes, qui viam sibi ad dignitates diligentia, industriaque muniunt, quique à bonis viris, & bene natura constitutis diligi cupiunt, sibi proponant ad imitandum! Quapropter sicut in herbis futuræ maturitatis indicia cernuntur, ut, qui eas inspiciat, frugum uberratem jam spe præcipiat, ita in tua prima ætate tam laudabiliter acta omnium tuarum virtutum quasi principia, & causas apertissime agnoscimus.

Quare his tuæ laudationis jactis velut fundamentis intelligi facile potest quanta fide, temperantia, muneribus illis, quæ tuæ sunt ornamenta virtutis, non fortunæ, fueris perfunctus. Quæsturam, ut alia præteream, regnante acerrimo virorum æstimate, assequeris; qua in administranda vestigia non leviter pressa probitatis, & continentiae reliquisti ad posterorum memoriam sempiternam. Inde ab eo Pontifice, cujus nomen, & gesta renovas, inter Amplissimi Orbis terræ Consilii Principes relatus, dici vix potest, quantum Senatui decoris, quantum Christianæ Reipublicæ luminis, atque ornamenti attuleris. Jam tunc antequam imperares, dignus imperio visus es. Regium,
siqui-

(XI)

siquidem mihi videtur non diademate ornari, non militum, ac servorum frequentia circumfundi, non auro, non argento, non divitiis omnibus affluere; sed ita vivere, ut nullis cupiditatibus servias, ut possis in consiliis sentire liberè, ut magis alienis, quàm tuis commodis consulas, ut nullis illecebris à recti opinione dimovearis: Quæ omnia tu semper B. P. in illa autem summa dignitate, ut quàm maximè, & diligentissimè præstitisti. Hinc aucta Religionis commoda; Hinc eloquentissima tua vox pluris à Pontificibus æstimata; Hinc tibi Justitiæ, præcipuarumque rerum Præfecturas demandatas vidimus, ut te jam tùm Justitiæ vindicem, Religionis assertorem, Pacis custodem, P. R. & universus orbis sentiret. Nam quid ego splendorem in publicis, moderationem in privatis, pietatem in Deum, liberalitatem in Pauperes, in eruditum quemque amorem, ac benevolentiam commemorem? Tua sanè Domus adeò quotidie doctissimis, præstantissimisque viris referta erat, ut non Principis Domicilium, sed Doctrinæ perfugium, non Cardinalis ædes, sed Sapientiæ Templum & videretur, & esset. Verùm liceat hæc respectanti tantùm, atque intuenti relinquere, ne, si plura exequi voluero, videar hac tua modestia, ac patientia abuti; & simul ad ea, quæ in ipso sacri Principatus exordio edidisti, festinat Oratio. Nam tantis in rebus probatus, cum longè latèque tuarum virtutum gloria percrebuisse, in isto hujus divinæ Majestatis fastigio seriùs omninò, quàm communia vota postulabant, sed tamen aliquando collocaris. Centesima & vigesimaquinta lux hæc est ab eo die, quo renun-

(XII)

nuntiatus es Pontifex ; Ecquam regionem esse putas tam barbaram, tamque in ultimis terris constitutam, quam non tuæ dignitatis fama, ac lætitia peragraverit ? Nam, ut omittam privata gaudii nomina, quibus omnes Nationes, ac Civitates perfuderis ; Has bonas literas, hæc præclara studia in pretio qui habet, poterit non gaudere, cum tam latam, atque in omnes terras patentem ditionem ad eum pervenisse videat, qui & liberalitate possit, & ingenio velit eas complecti, & à quo magna nobilissimarum disciplinarum seges sit expectanda ? Qui Justitiam sanctam apud omnes haberi vult, maximam non dabit voluptatis significationem, cum Regni eum tractare habenas intelligat, qui non quid posset, sed quid sibi liceret in omni sua vita cogitarit ? Qui Jura omnia humana, ac divina peritissimè tenuerit ? Religionem sanctissimam esse qui putat, is non exultabit, cum ille sit Princeps, ac rerum Dominus, qui pietatem coluerit semper, Divorum Tempia ornarit, celebrarit, semper improbis, semper impiis sit adversatus ? Qui denique Ecclesiæ omnium Parentis angustiiis, ac solitudinibus commovetur, is verò maximas non aget D. O. M. gratias ; qui Petri Naviculæ eum adhibuerit Magistrum, quo regente, nemo non modò naufragium expavescat, sed ne ullam quidem à recto cursu declinationem timeat ? Quare juvat B. P., juvat illius diei jucunditatem ad memoriam revocare, cum primùm es inter civium plausus, & studia vulgi Vaticanum ingressus . O lux illa fausta huic Urbi, bonis omnibus salutaris, quæ tantas humano generi utilitates attulisti, cum Civitas tota ad
te

(XIII)

te unum aspiciendum conflueret; cum tecta ipsa Urbis ac mœnia viderentur hac tua dignitate lætari. Quæ tum laudum effusio? Quæ populi alacritas? Qui concursus? Quæ gratulationes? Auditæ voces te Patrem Patriæ, te Conservatorem Italiæ appellantium. O solem ipsum beatissimum, qui, antequam se abderet, amplissimæ Urbis celebritatem novo Pontifice exultantis viderit. Itaque B. P. cum Te uno studio omnium, una voce P. R., uno orbis terræ consensu, Numinis etiam testimonio, qui agrorum ubertate regnum ad Te delatum comprobavit, in Cœlum laudibus efferri videres, ea primùm animo Tuo cura insedit, ut tantam de Te hominum expectationem superares, & vinceret. Vicisti B. P. vicisti. Testantur istud adauctum ærarium, delecti ad Consilium, qui peritia legum, & morum integritate cæteris antecellerent, quique legationibus obeundis, religione augenda optimè erant de Ecclesia meriti Purpura donati. Penè omiseram faciles ad Principem aditus, vultum in omnes blandum, atque humanum. Quanta in illo Dignitas? Quanta Majestas? Quanta etiam amoris, ac benevolentia argumenta? ut Amoris cum Majestate certamen, ac studiorum contentionem ipse unus sedasse, atque à summa abalienatione ad concordiam aliquando revocasse videatur. Quid dicam de eo, quod præcipuum est, ac tam amplum, tam eximium, tam laudabile, ut in hoc uno cuncta inesse Divini Pontificis munera sit existimandum, de eo, inquam, quod intestina Christianæ Societatis jam jam impendentia bella averteris, & incendiorum,

(XIV)

rum, quæ longè, ac latè insurgere videbantur semina penè restinxeris? (Atque utinam, quod rectè inchoasti, sæliciter perficias.) In quo quid prius admirer? Prudentiam? an celeritatem? certè utraque in te laudanda est. Sed Prudentia te nonnullis aliis, qui ante te fuerunt, Principibus parem facit, superiorem Celeritas. Nam, qui seditiones, ac bella prudenter componerent, fuerunt etiam ante te Plures; verùm, qui tanta celeritate, & paucis, vix credi potest, diebus, non sedaverit flagrantia, sed averterit impendentia, cum omnes jam ad bellum ruerent, ipsumque expostularent, eum præter te fuisse non vidimus, non audivimus, non legimus. Possumus igitur dicere verèque dicere P. B., Tecum istud terrestre D. O. M. Solium Justitiam, Tecum Liberalitatem, Tecum Clementiam, Tecum Pietatem, Tecum etiam frugum ubertatem, Tecum denique Otium Italiæ, tranquillitatem Germaniæ, Hispaniarum Pacem, quietem Galliæ, salutem omnium, atque incolumitatem ascendisse. Quare tibi, PRINCIPUM SANCTISSIME, ex animo, atque verissimè gratulamur, eoque magis, quòd in Te omnes, quæ in præclarissimo Christianæ Reipublicæ Præsidi virtutes inesse debent, elucere intuemur; tum Numen illud Immortale, cujus consilio, ac voluntate Divina hæc potestas tibi contigit, oramus, precamurque, ut idem Te servet, bonisque omnibus augeat: ut nobis, Patriæ, universo terrarum Orbi quàm diutissimè vivas, Gloriæ autem semper, æternùmque vivas. Dixi.

ELE-

ELEGIA.



*S*celider alius Pindi sectetur ad alta,
 Et capiti imponat laureaserta suo,
 Quem labor exagitet nullus, nulla invida cura
 Cui Pbæbo, & Musis Ocïa grata fuget.
 Me mea Paupertas vitam traducere inertem
 Non patitur, studiis nec vigilare bonis.
 Aspera Paupertas Musis inimica, bonisque
 Vatribus, in nostra quid juvat esse donas?
 Quære alias sedes, alios jam quære penates,
 Defer ad immanes & mala cuncta Getas.
 Odit Calliope tristes Jove nata querelas,
 Odit Dux sacri latus Apollo Chori.
 Mi quoque curarum oblito, fortisque severæ,
 Arridet calamis fistula disparibus;
 Fistula, quæ longo mecum jam pressa labore
 Desuerat dulces edere mœsta sonos.
 Nempe ad Permessum vocat, Aoniamque Aganippem,
 Qui me non humilis spiritus intus agit;
 Ut celebrem MAGNI CLEMENTIS grandia facta,
 Queis Ipse implevit solis utramque domum.
 Ipse quidem dignus, cui vates doctior aptum
 Diceret argutis carmen arundinibus,
 Et quem, Magne Maro, vel posthabito Messalla
 Cantares teneris, blande Tibulle, modis.

O mi-

(XVI)

O mibi dilecti, Romanique umbra Tibulli,
 Quam Venus ipsa nēmus duxit in Elysiū,
 Dic quo tam cultum tenuasti carmen in antro,
 Messallæ caneres cum fera bella Ducis
 En ego majores tua per vestigia laudes
 Exequor attonita farier Invidia.
 At tu, SANCTE PATER, meritò cui contigit uni
 Terribilem in terris posse referre Deum,
 Neu molles Elegos, tenues neu despice lusus,
 Neu tibi quod parvum Musa peregit opus:
 Fers majora dabit, ni capta everterit, ausa
 Scindere vitæ stamina, Persephone.
 Nam canet ANDREAM demissum ab origine vestra,
 Quantaque cœlestis gesta ferantur Avi.
 Quod potes, innocuos CLEMENS amplectere Vates,
 Arcadiæ pigeat nec meminisse tuæ.
 Hoc est Letheæ sprevisse obliviam ripæ,
 Hoc est Saturni reddere sæcla Patris.
 Cum Vates in bonore vigent, Pax candida floret,
 Floret, & optatæ Copia juncta Deæ.
 Tunc acies, tunc bella silent, tunc horrida duri
 Militis in tenebris atterit arma situs.
 At nos, quæis Sacri Regis datur ora tueri,
 Dicet fœlices sedula Posteritas.
 Magnanime, o CLEMENS per te fœlicia degit
 Ocia pacatis hostibus Italia.
 Egressum cunis te frater Tybridis Arnus
 Viderat Hetruscis ludere littoribus;
 Ingenium, & vultum jam Principis admiratus
 Signa dedit magnæ conscia letitiæ,

Ter

(XVII)

*Ter caput immerfit, mediis ter fustulit undis,
Et te, tandem inquit, Roma superba manet,
Cui septem gemino affurget de vertice; nosco
Nosco ora, hæc augusti ora Leonis erant.
Principe te cbelas, sedemque Astræa relinquet
Autumni Ausonio jura datura solo.
Nec minor æquabit justos Clementia fasces,
Qua cum non dura est, difficilisque soror.
Hinc te Castalides flavi prope Tybridis undas
Deductæ dicent ex Helicone Deæ.
Te juga Parnassi resonabunt celsa, tuumque
Annosis vivet nomen in ilicibus.
Dicite Io, nostro quæ erratis margine, Nymphæ,
En mea majores urna refundit aquas.
Me supra Gangem, fontemque binominis Istri
CORSINI attollet fama, decusque mei.
Quis neget æternis tua mœnia condita fatis
Roma? istum servant si tibi fata Virum.
Arne Pater tali fortunatissime Alumno,
Evenit, votis est data Palma tuis.
Vidimus ingenti CLEMENTEM in sede locatum,
Vidimus Hetrusci regna novata Patris.
Dii, quorum auspicio vitales Hic trahit auras,
Servate optatum in sæcula multa Caput;
Cumque Iste (o serò) cognata ascendet ad Astra,
Succedat meritis, imperioque NEPOS.*

IMPRIMATUR,

Si videbitur Reverendis. P. Mag. Sac. Pal. Apostolici.

N. Baccarius Ep. Bojan. Vicefg.



IMPRIMATUR.

Fr. Jo. Benedictus Zuancelli Ordin. Prædic. Sacri Pal. Apost.
Mag.

